

房山縣志

吳春鴻題

房山縣志卷之二

河流

房山之水幹流有八一聖水二韓村河三甘河四灌河五上萬河皆源出境中六拒馬河七順河八雅河皆源來境外此八河者甘灌拒馬源流不竭灌溉稱饒餘惟聖水源流最廣幾占全縣百分之六十雖無灌溉之饒亦資淤積之利若韓村順雅上萬四河則流域既小利害無關矣各河支流無數皆注入幹流之中附見於八幹流專條之下亦綱舉目張意也

聖水 源出百花山西南之小寒嶺詳志出大安山曰龍泉河蓋近源非遠源也今更之東南流入縣界經堂上村南

復東南流至龍門台村西司馬台水自西北流二十餘里匯之來自北界大山亦一

別源也復東南流經龍門台村南復東南流數里河陽峪水自北景兒峪水自南山

白崖角西南通紅姑娘港並注之復東南流經莊戶台直河南魚骨寺水自北來注之復東流柳樹

溝水自南來注之南自大房嶺過嶺即王拉堡復東流經王家台南南港水自南來注之南自大房嶺折而北

茨子港水自西北來注之自三角山東麓復折而東南茨兒港水自南來注之南自大房嶺折而東經

石板台南後港水自北來注之復折而北而南栗子港水自北來注之復折而東經

口子澗南安子港水自南來注之來自石門溝後石塘南越佛嶺可至張坊鎮復東五里至霞嶺村南南溝水自

南來注之東南至三流水越道編嶺六十餘里可至長溝折而北屈曲流一里經下河復東北屈流七里至凉水泉

北山有泉故名之又曲折東北流七里至上石堡南港水自東南注之東南越對子菴寶金山可由黃山店出山番兒溝

水自西來注之又北經中石堡峪子溝水自西來注之俗名北直河源從司馬台東流數十餘里溝內有銀鑛俗曰礮洞坡又五

里經下石堡村南而東北折雙線溝水自東來注之東南通南窩曲折復東北流銀水自東

來注之又北數里至賈口東北柳林水自西來匯

柳林水 源從百花山東麓合宛屬之金鷄台蓮花菴史家營秋林堡弦子水柳林水

諸水東流至賈家口匯南源水勢甚旺亦聖水之別源也順天府志所云琉璃河出

宛平之百花山即此從此水流漸大又東北流石板房水自西北來注之曲折而東

十餘里至長操村南村東水漸東南八里至紅煤廠大安山之龍泉河自西北來匯

龍泉河 源從大安山村西北二十五里之老龍窩尖曲折東南流合原上北港西窰

趙十畝地窰港寺上六村之水流經大安山村東喬煤澗水自東北來注之折南流

數里北溝水自西來注之又南流數里南溝水自西來注之又東南流水峪水自北

來注之又數里經玉湖俗稱湖西流水自東來注之東通北峪又數里經教場西山內一片平地可墾餘相

傳為劉仁恭校軍場又南流數里匯入聖水此水經曲折約五十餘里為聖水之近源聖水既匯

龍泉河復流而東南南窰溝水自南來注之源出茶樓頂之西麓西水峪村西六里許之黑溝南北流經東西水峪村之間又東北經南窰村西三安子水自東

來匯又西北流中窰北窰二水皆自東來注之又屈折西北出溝入聖水又東曲折入佛子莊南英水自南來注之源出大房山之北三英水合西安馬嶺曹諸水

由村東復北折經白城灣一曰青龍潭水深莫測岸東山上有城故名復折而東經黑龍關北之黑龍潭水深莫測俗謂有龍

居之岸上有龍王廟故名又東南流至東西班各莊二村間而北折北峪溝水自北來注之

黑龍潭為邑人求雨處北自界山經數十里越山即千金台折而東而南經陳家台東而南而東經辛莊北橫流水來注之自大房北麓合他兒窰兒

口兒晒日台杏園橫又東經河南河北二村間泥蘭峪水俗名北港經河北村西南來注之又東

經李各莊村南泥窪北齋堂溝水自南來注之源自該麥山之北麓又經滑石片檀木港二村間

白石口水自東來會

白石口水 源從張良洞北之黃山東南流數里合西來一水稍東折夾子峪水自南

來注之其南即泥蘭峪又東南流數里泥麻峪水自北來注之又東南流黃院水水峪水先後

自南來注之又東南流紫塘峪水自北來注之又東南流代長峪水此路可通門頭合安子港

水自東北來注之折而南流毛耳背水自東來注之此路通魯家灘與棹柘寺折而西南流河街水

自東來注之河南即栗子成尖東過流即穀積山又西南入聖水聖水又南經東莊東匯為大灣深數丈又

南里許至大北嶺之陰水極深俗曰龍潭又東折經東莊河東村南又東經馬仙洞

山北又東至乾河村中小港水自北來注之又東過朝陽洞山南折而南經沙嘴東

煤嶺西又南經半壁山西又南經半壁店東磁家務西南車營水自西來注之源從雲深山北

麓之大槽溝東北流黃花嶺水自西來管長峪水自南來先後注之又東流該麥山麓又經黃土坡村小長峪水瀆龍峪水王禪洞水先後自南來狼窠溝水自西北來並注之經半壁店村中又東入聖水又折而東經磁

家務南又東南經漫水河南匯為深灣孔水洞水從西來注之孔水洞見古蹟水經注所謂大房東北洞開也又東

經新開口東南大寨水自北來注之又南折經坨里車站西口頭東又南流而西折

七斗泉水自西來注之又南流經八十畝地北南罐水西自霧山之陰東流注之自水

東嶺子合中和峪泥皮又南經羊頭岡北有小溪自村北來注之此水經年不竭村人頗得

其利又南經馬各莊東而南有瀑水自西北來注之

瀑水 源出自羊耳峪西北諸山有南源二源南源雙泉溝合大樓溝後溝水經小樓

南台之間馬槽灣又經崔家溝至白布渣又東流前朱各莊村西北源來匯北源自

西峪溝合戲台溝秫稻峪諸山水東流經東流水村北折而南經村東又南經後朱

各莊西至前朱各莊匯南源合而東南經瀑水岩經丁家窪村南東行出山至馬各

莊西而東南入聖水聖水又南流經廢徐邨東徐邨有塔見古蹟曲曲南流經瓜市田各莊東

俗名大石河折東流經夏村北蘇村西折而南自此泉流湧出經年不竭又南東水峪水自東來注

之源出水峪村西北山澗中東南流經水峪村中折西經石梯鎮又南流經垵里村西車姑東又南穿鐵路西折南流經沙窩村東又南經流北坊焦莊大董村開古莊西苑上公主坟諸溝水東流注之又南經蘇村東下坡店九龍溝水自東北

來注之又西又南經石橋子至豆店土城折而西經板橋折而南經蘆村西折西南經

墩臺之喜雀灣莽流河自西北來匯

莽流河 發源於大房山東南麓有二源一北源源亦有二一曰東沙河一曰西沙河

東沙河出自白水寺西北之芹菜溝東南流經沙峪村東南雀石溝水自西來匯雀石

溝在荆子山東合而東南經歇息岡北莊南又經縣北俗曰北沙河修志北沙河單立一條與東沙河似兩河非是又東過

東北城角折而南經東門外俗曰東沙河舊時自此南流經定甫辛莊入坨頭北與

西沙河會今正流淤塞漸趨東南順車路行無正軌一從東岳廟前冲刷民地橫截

而東南至田各莊村南又至夏村之西北折而西南經雙柳樹始與西妙河會一從

東岳廟前順道東南經瓜市田各莊二村間又東南入聖水一從東岳廟北順道而

東經瓜市北又東南入聖水是東沙河入莽流者僅一部其他皆入聖水與莽流無

涉一西沙河出迎峯坡西北之張家坡坡西北即雀石溝為東沙河之別源東南流曰郭家河又東南一水

自山口村東北流來匯又東經響閘南塔灣北大弘寺之間小弘寺東北經西門俗

曰西沙河又南經南關外俗曰南沙河舊志西沙河南沙河分爲二條今更之又南

合馬跑泉又東南經顧柵東又東南經坨頭北俗匯東沙河于此今改道矣又東南經雙柳樹西北東

合馬跑泉又東南經顧柵東又東南經坨頭北俗匯東沙河于此今改道矣又東南經雙柳樹西北東

沙河之南支自東北來匯又東南匯南源曰莽流河一南源源亦有二一北源金陵

水出關兒溝東南流經金帛陵前柳葉溝水自北來注之經龍門口在此地石又南流

十字寺水合無量殿水來匯又東經柴廠東北之釣魚台折南流石槽溝水自北來

注之南經西莊東良各莊西又南至山口南匯南源南源長溝峪水出自茶樓頂之

陽大房正峯雙澗合流至東溝而合經堅冰灣又南流賈島峪水自西來注之賈浪

仙隱處又東南流至山口南匯北源合而南流至周口店北始曰壩河南流經村西

鐵路東又南流至韓繼北折東南經支樓石樓二村北段家橋水經缸窰顧棚小營

自北來注之又東經坨頭南又東入坨頭窪會東西沙河始名莽流河又流至喜

雀灣東入聖水聖水又南流經吉陽窪東至周琉鐵路北折而東小壩河水自西北

來注之小壩河出自二站東之大水盆又流至琉璃河鎮西折東北至石橋下入良鄉縣界

舊志名漫水河案漫水本村名非河名今依水經注更名渠水謂發源龍泉案實地調查出小寒嶺龍泉乃旁源非正源今從之謂東西南北四沙河

與凉水河壩河各為一水另立專條案皆莽流河上源為渠水支流今歸並渠水條下謂歷經磁家務口頭至羊頭



岡爲大石河至蘆村爲蘆河即琉璃河上源 案此水無數支流舊志並未加入難以近繁猶恐遺漏

韓村河 源有二北源出自茶樓頂 大房主峯 西南蔡樹菴東之獅子崖下東南流經胡盧

棚下寺二村有夜猫溝水自西北來注之又東南流有長流水自火焰山南流注之

又東南流有對子菴水合幽嵐山水寶金山水東流合南來青峯嶺堵墻山北麓水

並大小格欄諸水東流來會又東南經黃山店北有大圈水經警牙嶺南流注之又

東流南北兩山諸澗水並注之又東南經拴馬椿村老爺廟又東南至樓子水村西

仙台山 即磚工院北之小白山 水自西北來注之又流至村東南龍寶峪水自北來匯

龍寶峪水 源出火焰山之東南麓東南流經龍寶峪村西溝水自警牙嶺東流來注

之又東流水山峪水自西南來注之又經上黃院又東南楊溪金山院二水並自北

來注之又東過下黃院至樓子水村西北木岩水自北來注之又東南至村東而南

折再南至村東南會獅子崖水二水合而東南經瓦井尤家坟之東地勢漸平南經

五侯村東地漸漸出泉經年不竭又東南經南罩村北至韓村河村南南源自西來

會南源自造銅嶺堵塔山東南麓下之青楊溝水東南流葦子鋪水自西來注之又

東南流太湖水姚廣孝在此  
魏華岩寺合烏雲井青雲塌斗泉鐸尖諸山水自西來注之又東南

經聖水峪俗名  
峪兒又東南經上方山之接待菴上方山水映峯峪水先後自北來注之

又東南經上下中院至孤山口又東南至天開南羅家峪水自西來注之又東南匯

入青龍潭為鄉人禱  
雨處極深又東經皇后台北又東經龍門口北水始出山東南流經五侯村

南又東南經南章七賢匯北源二源合而東流經韓村河南始名為韓村河又東經

西東村南又東經李莊南又東經挾河北與涿良接壤處折而東北經琉璃河鎮東

北入聖水舊志分韓村河挾河  
為二水今並為一

甘河 源出小羅家峪東南流經玄心寺南以上皆乾河又東南流至西甘池北北甘

池西有廟俗曰將軍廟泉流自石隙湧出下流過石橋順承王寢園前兩岸皆稻極

美古所謂泉甘而土肥者也又東南經敬謹親王寢園南自東甘池出山經沿村橋

又東南流至長溝鎮再南入涿縣界舊志未收  
今增入之

灌河 源出自西域寺西北之水頭舊云出自黑牛水東南東南經西域寺之東其支流引入

寺內又南復折而東經下莊村又東南流三岔水東城寺水先後注之三岔水有泉

東城寺水出自雲山南麓水勢稍大又東南經前後石門東又南流經高家莊東南白玉塘水自西北經四

座廟高莊萬泉菴北有大泉數眼湧出灌稻田三頃餘產稻甚美俗謂玉塘米又東

南經下營北來匯又經崖上獨樹村南又東南經紙房北至半壁店經清行宮前現

為高小學校又東經南正雙磨南至良各莊北再東南至長溝西而南入涿縣界舊志未收今增入之

拒馬河 源出自涿源縣東泰山廟古塔下東流二里餘經泉坊邨涑山水自縣西南

半里許之涑山東流少北七里許來匯合而東北流五里經石門鋪南又八里經豐

樂邨南又二里許經二道河邨南又曲折十里入易州西北境浮圖峪北又東北五

里經王安鎮又曲曲八里經塔崖驛南又曲曲十里經玉山鋪南又東十里經盤石

鋪南又東北五里經三里鋪南又半里經紫荊關北又五里餘經小新城北入邊城

又三里經教場邨北又東里許經河東邨北又北六里經孔各莊西又十里餘經龍

王廟西又二里餘經嶺南邨東又里餘經河西邨東南城司西又里許經北城司東出境入涑水西境北流二里餘經辛莊東又三里經黃兒莊東又三里經過嶺東邨東又西北經嶺西邨東又東北二里經板城西又二里經黑兒邨口東又里餘經白石澗東又東北二里經趙各莊東又二里經計石路東又四里經平峪之東南又東四里經福山口南又五里經小峯口南又東南六里餘經邢各莊南又東十里經勾各莊南又東北折六里餘經套肩嶺南經紫石口大龍門水合三坡水自北來注之大龍門水 水發源于桃花大嶺之十八盤東南流數十里至又河江水丁水自北來匯又經大龍門至北莊段口大嶺嶺南台水自北屈折流數十里經金華山羅鼓台來匯又南流經馬各莊北鐵嶺嶺水自北邊橋經鎮廠西南流來匯以上三水匯涿州三坡諸水南流穿東西馬各莊之間南至交澗口蘆子水自小寒嶺西麓合諸澗水西南流數十里來匯又南經曹八岡又南至涑之上莊入拒馬河又東南經下莊東又曲曲流六里經都甲南又曲折經羅府窰南東北流入房山界經平峪西南東

三面復南入涑水之前後石門二十里復入房山界之西莊十度二村南豹兒水自西北來注之

豹兒水 源出自小寒嶺之東南麓 小寒嶺為百花山西南之大幹脈為大房山之祖脈嶺東北即聖水南源 東南流經豹兒水村又

南流十餘里經蒲窪東而南東村水 出小寒嶺南 冰涼湖水 出遊龍山東 合流而東注之自此穿

游龍長尖嶺兩山間曲折東南流數里雀鳴山水自西來注之又東南數里黑龍山

港水自西南來注之又東南經龍莊湖又東南數里五條坑水自東北來注之又東

南經窟窿湖又東南經索家溝又經秦堡又經黃耳塌又東南紅姑娘港水自北來

注之 港北通井兒峪至莊戶台 曲折東南七八里穿馬安村中又南八里至十度東南入拒馬 此水經行

約四五 復東南三里許至九度折而北流三四里至八度東折流三四里至七度北又

東行三四里至六度南王拉堡水自北行數十里注之又東喇叭港水自南來注之

折東南經關上村東又三四里至四度西南青港水自西南來注之又折東行數里

又南折經口子東稍東南流四五里至乾河西再南南流河自黑牛水東北來注之

又稍東南流五里經片上村西又南行數里至張坊西南龍安村以西水東流來注之再東分二支西支入涑水東支經行南岸爲王家磨蔡莊下灘鎮江營北岸爲張坊白帶趙村南上洛等村再東出界入涿縣境

舊志曰十度河按水經注更原名謂西南曲折旋繞自十度至鎮子營按來源經過支流若干流入何縣並未詳載今皆併入

上萬河 又名丁河源從穀積山北嶺嶺北十五里即魯家灘西南流經靈鷲寺又西南流經臭水

湖又南流碾子峪水自東北來注之又南流大窪水自西來注之嶺西即河街又南流栗子

成水自西來注之其頂即栗子成尖山又南流蛾家峪水自西來注之又南流煤嶺水自西來注

之又南經北車營村東荊峪溝水自東北來注之折東南流南港水自車營村南東

流來注之又東南楊港馬港蘇港先後自西南來注之又東南流大南峪寺水自西

南來注之內有天台寺故址折而東至南上萬村東北上萬河自石溝峪合正陽山水馬蜂港

水自西北來會又東南流經土洞村東焦各莊村西又南入良鄉之崇各莊出境下

會佛門溝水經良鄉西門外總名曰順河府志未收今增入之

順河 源出宛平魯家灘俗曰襄十三村十數村水自佛門溝入境經羊圈頭西又南流經小兒

營東又南流經少師塔西長樂寺東折西南經南次尾東有水西北自李二峪溝來

注之又南流經焦各莊官地東又南流經仙坨村西又南入良鄉豆各莊出境此水下流合上

萬河下注良鄉城西門外者舊志未收今增入

雅河 源出馬鞍山凡戒台寺左右澗水皆注之東南入界經大灰廠西又南流三四

里經沙鍋村東又南數里經下莊東侯家峪西又南流經翟莊東又南流穿東西王

佐間經至貝勒墳前又南經張莊東北公村西又南經河西村東南公村西自此水

從地出經年不竭矣又南有土橋舊志曰公村河者即此又稍折東南經鐵匠營入

良鄉界下經啞叭河者也

附記諸泉

黑龍潭 見古蹟淵澄漾碧深不可測舊志謂源通桑乾恐近附會

青龍潭 卽天開龍潭清湛淵深爲韓村之上源北岸有廟曰觀音堂西北有塔

仙台水池 在樓子水西五里即磚公院金魚池也池在殿東方數丈深數尺池北有  
岩高數丈齊如刀切水從石縫流出下注於池其內畜金魚無數水清可數池三面  
修竹繞之水綠竹青映以紅色之魚怡情悅目其池從東南流至廟前灌園可畝許  
園之南岩高十數丈水下注作瀑布如晶簾掛簷頭越樹巔而下唐人有山中一夜  
兩樹杪百重泉聯差堪比擬也

金山香池 在上黃院北即舊志所謂八景之一也

聖弘池 在車廠村北即金陵下九龍口泉所匯也

天橋湖 在黃山店西十餘里紅蠟嶮上嶮之左峯

牛角湖 在黃山店西十餘里紅蠟嶮上嶮之右峯

玉塘泉 在高家莊村西即明人所謂大石窩也見古蹟

七斗泉 在口頭村西山半腰中舊志謂相次排列高湧尺餘形如斗大蜿蜒下入於  
河上有石洞淨室爲習靜之所



一斗泉 在孤山口西北之上方山寺俗呼爲斗笠泉

羊頭泉 在岡上村西北經年不竭其水頗可灌田惜未有與其利者

羊頭岡泉 泉在村西北二里餘左右菜園數頃資以灌溉村人獲利不少

渠河泉 在周口店村北灌園數頃樹木陰陰園蔬豫茂爲一村之沃產

涼水泉 在長溝峪東南水出山根涓涓不絕又霞嶺東北山陰有水亦名涼水泉

甘池泉 在北甘池西將軍廟東石齒參差泉出其隙澆灌稻田可三數頃即水經甘泉水也

馬跑泉 在牛口峪村東泉從地湧奔馳迅速如加人力下游之地可澆

小樓泉 在羊耳峪西北數里有泉從山腰湧出土人資以灌蔬兼以橡樹滿山頗有林泉之勝

蟬蛾水 或曰禪窠水或曰長流水在今長流水村西北獅子崖下即韓村河北源也  
嘴把水 在車廠村西北即長溝峪煤窰洩水處也水勢甚盛如能引入田中可澆十